



Niuspepa bilong ol Papua Niugini stret

Wantok 12t



Poto i soim sampela man bilong Reimber Komyuniti Gavman long hap bilong Rabaul. Ol i wok long paitim toktok long as lo o konstitusen bilong yumi. Ol redi long bekim sampela toktok i go long Konstitusenel Rivyu Komiti. Komiti wok nau long raun long olgeta Provins na kisim tingting bilong ol pipel.

Apim Pe

Ol wokman long stesin na ol arapela man i wok long bus bai kisim moa pe. Pe bilong ol i go antap pinis long Mas de 1. Nau bai ol i kisim K12.40 long olgeta wan wik wan wik.

I gat moa long 60 tausen man i wok long ol plantesen na autstesin nabaut. Bipo pe bilong ol plantesen woka i daunbilo long pe bilong ol arapela man i wok long ol autstesin. Tasol nau pe bilong ol wokman i wok autsait long ol taun i wankain.

Olgeta plantesen woka bai kisim 44t moa nau long olgeta wik. Tasol ol biklain bai kisim 67t moa long wanwan wik. Olsem olgeta woka nau

bai kisim K12.40 long olgeta wik.

Mista Kipling Uiari, nambawan long Dipatmen bilong Leba, tokaut long dispela samting long las wik.

Mista Uiari i tok Leba Dipatmen i apim pe long wanem pe bilong olgeta samting i go antap pinis.

Tasol ol man i stap long taun bai kisim K2.40 moa long olgeta wik. Long ol bikpela taun ol leba bai kisim K33.24 long

wanwan wik. Long ol liklik taun bai ol kisim K28.07 long wanwan wik.

Ol bikpela taun em hia: Alotau, Arawa, Goroka, Kavieng, Kieta, Lae, Madang, Mout Hagen, Popondetta, Port Moresby, Rabaul and Wewak.

Ol liklik taun em hia: Bulolo, Bwagaio, Daru, Kerema, Kainantu, Lorengau, Samarai, Vanimo, Wau, Mendi, Kimbe, na Kundiawa.

Tambuim Depro Provera

Pablik Helt Dipatmen long Ingran i tingting nau long tambuim marasin "Depo Provera". Long wanem ol i wari tru nogut ol meri husat i kisim dispela marasin pinis i painim wanpela bikpela sik.

Wanpela kampani bilong Amerika, Upjohn Kampani, i wokim dispela marasin. Tasol long Amerika ol P.H.D. i tambuim dispela marasin. Australia tu i gat tambu long salim dispela marasin long pasim bel bilong ol meri.

Hia long PNG ol i wok long salim yet dispela marasin na ol sampela meri i save kisim long pasim bel.

Tasol Memba bilong Bogia, Mista Kaspar Angua i askim pinis Palamen long lukluk gut na stadi

LAIKIM CHAN

Lain Oposisen Alaiens i makim pinis man ol i laik bai kamap Praim Minista. Em Memba bilong Namatanai na Lida bilong Pipels Progres Pati, Sir Julius Chan.

Lida bilong oposisen na lida bilong Nesanel Pati, Mista Iambakey Okuk, i tokaut long dispela long Fraide 29 Februeri insait long kibung bilong Nesanel Palamen.

Mista Okuk i tok planti Sinia Pablik Sevens, praivet kampani na viles lida i tokim em pinis olsem ol i laik senisim Gavman. Em i tok em i gat strongpela bilip olsem Sir Julius Chan bai kamap nupela Praim Minista bilong PNG.

Mista Okuk i ting sampela Minista bilong Somare Gavman bai lusim Gavman na sanap helpim Sir Julius Chan.

Long wanpela kibung bilong ol Yunaitet Pati ol i bruk na bikpela lain i bihainim ol oposisen. Liklik

lain tasol i laikim Somare.

Namba tu lida bilong Yunaitet Pati, Mista Roy Evara, i lida bilong dispela lain Yunaitet Pati i laik lusim Somare na bihainim oposisen. I luk olsem 9-pela memba bilong Palamen i wok long bihainim Mista Evara na 4-pela tasol i bihainim Mista Doa. Mista Doa em i lida

bilong Yunaitet Pati long Palamen.

Mista Okuk i tok Somare na Olewale i no tok stret taim ol i tok i nogat trabel insait long PNG. Dispela tok i no stret. I gat planti samting i no stret insait long kantri olsem mipela laik rausim Somare na kirapim nupela gavman.

Palamen bai vot long dispela mosin long rausim Somare long 11 Mas.

Ben Kasanda



Sir Julius Chan

Investment Corporation of Papua New Guinea



SMATPELA MERI I SAVE BAIM SEA LONG INVESMEN KOPORE SEN. Sapos yu laik save moa rait i kam long P. O. Box 155, Port Moresby.

Pawa long bosim kantri i stap long han bilong ol pipel. Ol pipel yet i holim pawa long makim ol bosman o stiaman bilong kantri bilong yumi. Ol pipel yet i holim pawa long senisim ol lo.

Wanpela komiti nau i raun long olgeta provins. Dispela komiti ya i raun long lukim ol pipel. Ol i laik kisim tingting na aidia bilong ol pipel long as lo bilong yumi. Dispela komiti bai bringim ripot i go long Palamen long mun Novemba.

Komiti ta yumi kolim Konstitusenel Rivyu Komiti. Dispela komiti i wok nau klostu long wanpela yia olgeta. Ol i raun long olgeta provins na bungim ol pipel. Ol i laik bai ol pipel yet i tokaut long we kantri i mas ran. Ol i laik bai yumi yet kisim stia bilong kantri. Ol i laik bai yumi yet i wok long bosim kantri.

Kain komiti olsem i no gat long planti arapela kantri. Long planti arapela kantri ol bikman tasol i tok na ol pipel i harim. Ol bikman i bihainim laik bilong ol na bosim kantri.

Tasol long PNG nogat, yumi ol pipel i holim pawa. Yumi ol pipel i gat pawa long senisim as lo bilong yumi.

Kain olsem em i mak bilong kain gavman yumi kolim 'Demokratik'!

Olsem taim komiti i kamap long ples yumi i gat wok long go lukim kibung. Yumi gat wok long harim toktok bilong ol na bekim. Yumi gat wok long autim ol tingting bilong yumi.

Tram Borneo Piksa Nau!



BORNEO PIKSA, em i namba wan ples bilong wasim piksa. Yupela salim ol kala film wantaim blak/wait films, na kainkain em film kam. BORNEO PIKSA, bai divelopim na primim ol piksa, na salim i go tiek long yupela wantaim nupela FRI FILM!

Sapos yu laik save moa long dispela wok, orait salim pas i kam long

BORNEO PIKSA HELDSBACH P.O. BOX 217 FINSHAFEN

WANTOK NIUSPEPA

Nius i kamap 52 taim long yia nau.

Opis bilong Edita na Edvetaising long P.N. G. P.O. Box 1982, Boroko
 Telipon: 25.2500 Teleks: NE 22213

Edvetaising long Australia
 Central Media Sales, Sydney
 Telipon: 436.1000 Teleks: AA23211

PE BILONG WANPELA YIA, 52 NIUSPEPA

Ples	Kam long balus	Long sip
Mosbi	K 10.00	K 10.00
P.N.G.	K 14.00	K 14.00
Australia	A\$ 36.00	A\$ 29.00
N.Z., Fiji		
Pasifik Ailan	NZ\$47.50	NZ\$ 32.00
USA, Yurop	US\$ 70.00	US\$ 47.00
	DM 120.00	DM 81.00
	L 31.00	L 21.00



Saut Pasifik Ats Festival

Piksa hia i soim ol nupela stem P & T wokim pinis. Ol dispela stem i soim wanpela stori i kam long Minj. Stori i soim ol single boi i kam long singsing. Ol i wok long painim meri bai ol i ken marit. Ol yangpela meri i gat wankain tingting tasol na ol i kamap tu long dispela singsing. P&T wokim dispela stem long makim Saut Pasifik Festival ov Ats. Ol i stat long salim long 26, Mas. Ats Festival bai kamap long Mosbi long 30, Jun na long ol Provins long 7, Julai.

Ramu Suga Go Het

Long 1985, PNG bai inap tru long suga. Long 1985 PNG bai kamapim suga bilong em yet.

Minista bilong Praimeri Industri Mista Ebia Olewale, i bin autim dispela tok long Palamen long wik i go pinis. Em i tok i gutpela tru long yumi yet kamapim suga bilong yumi.

Nau yumi no gat faktori bilong kamapim suga. Olsem na PNG i save baim suga long Australia. Mista Olewale i tok, klostu taim bai yumi lukim wanpela suga faktori sanap long Ramu. Wok bilong dispela faktori bai pinis long 1983. Na long dispela yia tu, bai yumi inap pilim swit bilong PNG suga stret long maus bilong yumi. Suga yumi save dring wantaim ti, ol i save mekim long wara bilong stik suga.

PNG Gavman, em i namba tu papa bilong dispela wok. Long wanem, em i baim hap namba bilong olgeta sea bilong Ramu Suga Holdings Limitet. Na arapela hap namba, em ol bik-

pela kampani bilong ovasis i baim. Nem bilong ol dispela kampani ya em Komonwelt Koporesen bilong Ingran, Hong Kong Shanghai Beng, Wales Beng, Booker McConnell na sampe-la arapela kampani gen.

Mista Olewale i tok, ol kampani ya i save na ol i baim sea. Ol i no laik lusim nating mani. Ol i bilip tru olsem, wok suga long Ramu bai kamap gutpela. Ol i givim baksait long ol tok win i wok long flai raun olsem, wok ya bai bagarap.

Tupela provinsal gavman tu i baim sea insait long dispela wok. Nem bilong tupela em. Westen Pro-

vins na Sandaun Provins.

Wok suga long Ramu bai kisim tu tausen (2,000) wokman. Insait long dispela wok, planti PNG man bai kisim olkain skul na trening.

Mista Olewale i tok, PNG i no inap lusim bikpela mani long suga nau. Mani bilong ol man i baim suga bai raun raun i stap insait tasol long kantri.

Em i tok, prais bilong suga long wok maket i gutpela tru. Ol prais nau i sut i go antap stret. Long tripela mun i go pinis, ol stua long Mosbi i salim wan kilogram suga long 43 toea. Tasol nau yu bai ba-

NIUS - NIUS - N

☆ **MADANG PROVINSAL GAVMAN** - Kisim nupela opis. Madang Taun Kaunsil na Madang Provinsal Gavman i toktok pinis long senisim opis bilong ol.

Taun Kaunsil i tok orait pinis long givim opis ol i sindaun long en nau i go long Provinsal Gavman. Taun Kaunsil i laik surik i go long opis em Provinsal Gavman i yusim nau.

Taun Kaunsil i ting olupela opis bilong ol i bikpela tumas na kaunsil i lusim bikpela mani long en.

☆ **HAILANS PAIT YET** - Trabel i wok long kamap yet insait long Hailans. Dispela trabel i kamap bihain long taim Gavman i rausim Stait ov Imejensi long ol provins bilong Hailans. Samting olsem 39 man olgeta i dai long Hailans insait long pait. Na 35,000 man i go insait pait long taim Gavman i wok long pinisim Stait ov Imejensi.

☆ **ARTS FESTIVOL HOLIDE** - Nesanel Eksekutiv Kaunsil i makim pinis de bilong Holide o malolo long ol pipel bilong PNG i ken sindaun na amamas long dispela pestode i laik kamap ol i kolim long Saut Pasifik Festival ov Ats. Nesanel Kapital distrik bai holide long namba 30 de bilong mun Jun. Olgeta arapela provins long PNG bai holide long namba 7 de bilong Mun Julai.

Dispela pestode bai kamap long namba 30 de bilong mun Jun na pinis long 12 de bilong mun Julai.

☆ **BIKPELA MANI LUS** - Samting olsem K400,000 (Foa handet tausen kina) long dispela Stait ov Imejensi i kamap long Hailans.

Gavman i putim dispela taim tambu long stopim planti pait na trabel i kamap long ol 5-pela hailans provins. Gavman i putim taim tambu stat long Julai 23 long las yia

TAMBU TORO



Palamen Ripot

Plis Bagarapim Man



Lennie Aparima

Wanpela memba bilong Nesenel Palamen i tok, ol plis i bin sutim wanpela man na pikinini man bilong em long Kainantu insait long Hailans Provins. Liklik boi ya, em i gat 8-pela krismas.

Em wantaim papa bilong em i kisim draipela bagarap tru na nau tupela i slip i stap long Kainantu hausik.

Memba bilong Obura — Wonenara, Mista Lennie Aparima i tok, dispela samting i kamap long nait bilong Janueri 23 long dispela yia. Em i tok, tupela i bin slip i

stap long haus taim ol plis i kam na banisim ol. Ol i banisim tupela nau, ol i no wet moa. Ol i kisim sotgan bilong ol tasol na stat sut long haus. Tarangu tupela ya i stap tasol na ol i wok long sutim ol olsem pik. Ol plisman ya ol i bilong Kainantu Plis Mobail Skwod.

Em i askim Plis Minista, Mista Waka long painim ol dispela plisman na givim hatpela mekim-save long ol. Na Mista Waka i tok, em bai traim painimaut moa long dispela trabel pastaim. Toktok long dispela samting i bin kamap insait long Palamen.

Wau-Mosbi Haiwe Rot

Insait long Nesenel Palamen pinis wok painimaut long dispela long las wik memba bilong Bulolo, Mista Mathew Bendumb i tromoi wanpela askim i go long Trensport Minista. Em i askim Mista Wingti wanem taim tru bai rot bilong Wau i kamap long Mosbi bai stat. Mista Wingti i tok, ol i pinisim



Mathew Bendumb

MMa' Kisim Provinsal Gavman




Nai Nahau Rooney

Olgeta provinsal kisim provininsal gavman tru nait dispela hap tok kam long mas bilong Julai. Mista Minista bilong provininsal Misia Na Nahau Rooney em i tok, bihain long Julai long dispela yia em i no laik laik kam wanpela provinsal intenter provinsal gavman stap yet yet.

Sev Seven pela provinsal kisim provininsal gavman tru yet. Ol provininsal gavman ya em olai Sauten Hailans, West Hailans, Enga, Sandaun, Westiun Briti Briten, lo Mbrobaa na dasol.

Ol Olsem wanem tlong wok bunbung wantaim bilong Niu Niugini bilong Ujivitanisatsait long Pro Provins Mista Akol Rai Doritrom bilong Palamen.

Em Emlaik laikim plipipelo bilong Pap Papua long tok kau sapos iok hikla bilong Niugini i not getpela bunbung wantaim Niugini i bou bikim Niu Niugini. Mista Mista Doi i tok, dispela vot samting long yasa long Pap Papua long meli-stap stap long hait bilong provinsal im i spisel vot long solank bilong gavman.



Galewa Kwarrara

Long gong las kwilong bilong Palamen pasipasi ol nekem. memem bilong Rig Rig Mis Gal Gelewa Na Mis Mista Somare tok tom em Kw Kwarrara ask ask itra Prai Min Minista mamamas tlong wok bilong sapsapos insai savan gong liklik toitu dipel pelotlotu. Ol Olsem na em bai wok long gong aupim liplaplan pipipela inaimut auto molong dispela bilong dipel pelotlotu konsent katansamting.

Em Emtok tok, dipel pelotlotu bilong ol otu. i wok woksesis palipulihlailailong ol dipel pelotlotu Ol Olsem na otu otu mek phuplanit getpela wok. Mis Mista Kwarrara singiang trost long Boystown long Wewak ha Figatia long gavman long sopiku kaita Haas em ol wok bilong otu.

P Papua MMa' Dot



Akolka Doi



Dickson Maioni, Sekretaris Ht Pos Odeli

Et Pos Odeli Pe Go Antapp

Ol Olgeta et pos odeli bilong sinisina ga gamlaai kai kisino moa stat long long min Mas.

Jen Jeneral Sekretaris bilong pos odeli sisoesis sinisina go RNCNG, Mista Dickson Maioni, tok tok long go getpela long taim asosiesin il hollink tok tok wantaim Pab Hk Seki Kisimisin. Ol tok tok kisim arapela help long gawman ol getpela ideli.

Aso Asosiesin winwinim arapela samting ol i go go pangos sisoesis in arapela samtingu twiniwini go Gavmama no tok tok wantaim se sem ol holid long em hia : Pab Hk Sev Seven sisoesie- olgeta yia holidide. Kur Yumfon Olgeta in sim gong kisim pubpela taim ideli paipainim ideli kai kisim pelpelpela help long gawman i silika nangyifoni biotsia apapela usisistok terk ewaritari long sipi sipi nait long wok. Bip Bip idisi kisim pelpela getpela ideli.

Mis Mista Mai Maioni tok tok dispela em i mambawan itaim tru. Holidide Olgeta in sainit long 35 yia i godebdeai bai kisim wan pinpinwe we Gavman i kwilal otong gong pelipela helpim long ol et-pos odeli.

Em Emma hia tupela plong gong getpela publik ol oledeai kisim. holidide. Et Ht Pos Odeli Redd 1 Mis Mista Maioni i tok, sapos ol i bak kisim 3K32.57 long gawman wankwik o K6K65.14 long fotnait.

S8 pji Ww kin BBk

APC APO Redd 1 11 K3K35.56 long gawman wankwik. Fot Fot nait bai K7K71.12 APC APO Redd 1 11 K4K42.12 long gawman wankwik Fot nait bai K8K88.24 APC APO Su pawawai K47.67 long gawman wankwik Fot nait bai K9K95.34.

Pastaim long Mar Marge gos pangong painih samting na dispela pei gotantap ol getad Odeli sav save ba ba lro Prosal pelpelpela long gawman. Mis Mista Gabie tok tok bihain i qai painaut aut la liankamap se sem ol gong getpela samting nait long gawman ol K5K59.98 long fotnait. Mis Mista Maioni i tok tok dispela

Bilong wanem sotpela dres?

Dia Edita — Long namba 22 de bilong mun Janueri 1980, mi lukim toktok na tingting na aidia bilong wantok bilong yumi, nem bilong em Susan Matalik bilong Maun Hagen. Em i bin bekim pas bilong wantok bilong yumi, Samuel Tiripe bilong Not Solomons Provins. Meri ya i bekim pas bilong man ya wantaim tok nogut long man ya.

long Wantok Niuspepa na traim stretim het bilong meri ya.

Yes ol wantok, bilong mi long olgeta hap bilong PNG mi no amamas tru long toktok na tingting na aidia bilong wantok bilong yumi. Susan Matalik bilong Maun Hagen. Ating em i no save long Lo bilong lotu ol i bin raitim pinis na olgeta sios i wok long yusim.

long lotu na tumbuna bilong yumi bipo. Olsem na nau yumi ol mapmeri mas dres gut. Yumi no enimel na bai yumi wokabaut as nating.

Na bilong wanem yu Susan i bekim pas bilong wantok bilong yumi na tok nogut long en. Em i no tok tok rong, em i tok tru. Yumi mas bihainim tok bilong em. Yumi mas amamas long tok na aidia bilong em.

bilong lotu i mas amamas long tok na aidia bilong Samuel Tiripe.

Na yu Susan, tingting bilong yu i olsem wanem? Ating yu yet i save yusim sotpela dres olsem na yu tok tok nabaut long pas bilong yu.

Em tasol. Sapos yu husat wantok long PNG i ting olgeta tok tok bilong mi i no gutpela, yu rait tasol i kam long Wantok Niuspepa. Tenkyu.

Herman Nowyagir, Lorengau, Manus.

Dia Edita — Yu inap givim liklik spes long mi na mi laik sapatim tok bilong susa ya, Cathy Kumbi. Em kamap long Wantok long wik i stat long Janueri 28, 1980.

Mi amamas tru long toktok bilong em. Long wanem em i no laikim ol salim bia long hap bilong mipela. Na nau mi laik sapatim tok bilong susa Cathy Kumbi.

Maski long salim bia long hap bilong

Pasim bia long Hailans

Westen Hailans i go olgeta inap long hap bilong Isten Hailans tu. Mipela ol pipel bilong hailans i mama tru bilong bekim trabel. Bia tasol i save statim.

Mi lukim hap mi stap long en. Mi lukim planti man i dai long spak na long ka tu. Draiva bilong ka i save spak na draivim ka i go na bagarapim

ka na planti pipel tu.

Olsem na ating no ken salim bia long hap bilong hailans. Em tasol liklik wari bilong mi. Na yu husat wantok i laik sapatim tok bilong mi, orait rait tasol i kam long Wantok Niuspepa na mi ken lukim.

Tenkyu.

Kivi Oefu, Okapa, Isten Hailans.



Salim ol pas i kam long:

WANTOK
BOX 1982
BOROKO

A. Yga . W.
W.I. Security, Boroko

Meri i no luk gut

Dia Edita — Yu ken givim mi liklik spes long autim wari bilong mi? Wari bilong mi i go olsem:

Planti taim mi save lukim ol meri hia long Goroka ol i save putim longpela trausis na siot bilong ol man. Na ol i no inap long mekim olsem ol meri bilong Hailans, nogat. Na ol i save tok, mipela i kamapim mani stret. Ol i save tok olsem, tasol ol i no save sem. Tru ol misis is putim kain trausis o siot olsem, i gutpela. Tasol ol meri Hailans i putim, em i no stret

long ai bilong mi.

Tasol watpo na ol i wokim dres bilong ol meri na ol i wokim arapela kain samting gen bilong ol man. Na ol meri i save longlong na werim samting bilong ol man. Tasol mipela ol man i no save werim samting bilong ol. Ating yumi ol man tu i mas baim dres bilong ol

meri na werim wokabaut. Mi ting ol man bai sem nogut tru sapos yumi i werim dres bilong ol meri.

Em tasol. Sapos husat man o meri i belhat long dispela tok bilong mi, orait rait tasol long Wantok Niuspepa na mi ken lukim.
Jontani Avu,
Goroka, Isten Hailans.

Giaman Nem Paulim Pen-Pren

Dia Edita na Pen-Pren — Mi wanpela man mi save baim New Nation olgeta mun na mi lukim long seken las pes, yupela save putim dispela nem Penpals. Orait taim mi lukim dispela nem, mi traim long raitim i go long wanpela meri. Tasol taim mi postim i go mi wet long bekim bilong em i kam tasol nogat.

Na narapela taim gen mi raitim i go long wanpela boi na mi wet long bekim bilong em na nogat i no kamap.

Olsem na mi laik askim yupela, yupela bin putim nem tru bilong yupela o yupela putim giaman nem tasol. Mi bin traim planti taim tasol bekim bilong em i no kam olsem na mi rait-

im dispela pas i kam, long yupela stretim wari bilong mi.

Plis no ken putim nem bilong yupela i go long Wantok o New Nation sapos yupela mekim kain olsem. Sapos yupela laik stretim wari bilong mi orait salim pas i kam long dispela adres.

Nathan Kresol, Panguna. NSP.



Nogat Advatismen, Nogat Niuspepa

Dia Edita — Dispela em i pestaim bilong mi long rait long Wantok Niuspepa. Plis givim mi hap spes bai mi bekim pas bilong man ya Yunu Siwi bilong Maun Hagen. Na pas bilong em i kamap long Wantok Sarere 9 Febrieri 1980 long Wantok 301.

Yunu Siwi em rait na tok olgeta taim mi save baim Wantok Niuspepa na mi save lukim piksa bilong ol man na meri ol i save holim botol

fanta na ol i tok yumi amamas long Coke o fanta. Olsem na mi save les liklik long ol dispela piksa.

Yes brata, mi no save ol Edita bilong Wantok Niuspepa bai tok wanem long yu. Tasol tingting bilong mi laik tokim yu olsem. Ol dispela piksa na sampela arapela samting i save kamap bilong Wantok Niuspepa em i no tingting bilong Wantok yet i save putim kamap long pepa. Nogat. Ol dispela samting em ol kampani bilong wokim dispela ol samting ol i save baim hap spes long putim long Wantok Nius. Olsem

na Wantok i save putim ol dispela piksa o sampela toktok na arapela samting bilong wok.

Sapos ol dispela samting i no gat bai Wantok Niuspepa i kisim mani we na baim ol pepa bilong wokim kamap nius. Tasol ol dispela samting i save kamap long olgeta wik yu ting em nogat pe bilong en. Sori pren, yu save kampani i save lusim bikpela mani bilong ol long Wantok Niuspepa. Na tu yu tok yu lusim nating mani long baim Wantok. Man i no pusim yu long baim Wantok Niuspepa. Laik bilong yu yet yu

baim Wantok Niuspepa. Tasol yu no lusim bikpela mani, em 12 toea tasol. Pren mi tokim yu bikpela mani yu save lusim long botol bia tasol Wantok niuspepa i no olsem na yu toktok.

Planti man bilong baim nius ol i stap na tu sampela bilong mipela i save amamas long baim Wantok Niuspepa long olgeta wik.

Em tasol toksave bilong mi i go long Yunu Siwi. Sapos yu husat man o meri yu ting i no stret rait tasol long Wantok Niuspepa bilong yumi na mi lukim. Tenkyu.



MIPELA SAVE MEKIM OLKAIN WOK BILONG BENG

☆ Pas Buk

☆ Sek Buk

☆ Man i ken putim mani long beng na winim profit mani

☆ Sapos yu kisim narakain mani bilong wanpela arapela kantri, beng i ken senisim i kamap kina na toea.

☆ Ben i ken stretim olgeta tiket bilong yu, sapos yu laik go lukluk raun long arapela kantri.

W Bank of
New South Wales
(PNG) Ltd.

Mipela amamas tru long helpim yu

Taim Hangri

Bikpela wok bilong karim kaikai i go long ol hangre man insait long Kampuchea bai bagarap sapos Yunaitet Nesens i no kisim helpim long tupela samting. I no gat inap mani long helpim Yunaitet Nesens long wok bilong em. Na tu, wok politik insait long kantri yet i wok long bagarapim ol wok.

Wanpela tokman bilong Yunaitet Nesens i bosim dispela wok, Mista Henry Labouisse, i tok olsem ol i sot long 3 milien kina. Taim ol i kisim dispela mani orait ol wok bilong kisim kaikai na marasin i go long ol pipel i ken gohet. Ol i wok long lukluk long ol pipel na sampela bikpela klap long helpim ol long dispela mani.

Narapela samting tu ol wok bilong stretim sindaun bilong ol pipel insait long Kampuchea i bagarap. Yunaitet Nesens i wok long traim stretim sindaun bilong ol pipel bilong kantri.


Tasol planti yia nau ol kain kain trabel i kamap insait long kantri.

Namba tu bikpela samting i wok long pasim wok bilong Yunaitet Nesens insait long kantri em wok politik Gavman bilong Kampuchea i putim strongpela lo long hamas kaikai Yunaitet Nesens i ken givim i go long ol hangre man insait long ol ples. Ol kaikai ol arapela kantri i salim i go long ol dispela pipel i sindaun nating i stap long ol bikpela bakstua.

Pastaim gavman bilong kantri i tok ol

i sot long ol ka long kisim kaikai i go long ol pipel. Tasol i no longtaim i go pinis, Rasia na Yunaitet Nesens i bin givim moa long 300 trak i go long mekim dispela wok bilong karim kaikai i go long ol pipel.

Nau ol arapela kantri i stap lukluk tasol long gavman bilong Kampuchea. Dispela gavman i bin promis long tilim kaikai i go long olgeta pipel insait long kantri. Tasol nau ol i wok long isi isi long wokim dispela samting. Sapos gavman bilong Kampuchea i pasim yet ol ka i



karim kaikai long ol rot, bai ol arapela kantri i save olsem wok politik tasol i bagarapim ol samting.


Mista Labouisse i tok olgeta kaikai i kam insait long Kampuchea inap olsem 51 tausen ton. Planti bilong ol i sindaun nating nau i stap long ol bakstua insait long Phnom Phen biktaun bilong Kampuchea.

Sampela ol sios hia long PNG i bungim pinis mani na salim i go long Wol Kaunsil ov Sios. Ol bai baim kaikai na salim i go long dispela ol lus man.

● Gemini Nius

KAMPUCHEA

kms 150
mils 100



Moa Moa Dripman

Insait long tupela yia, namba bilong ol drip man insait long Namba wan i kalap lusim 8 milien na i go inap long 12 milien olgeta. Ol dispela pipel i ranawe lusim ples bilong ol. Long wanem i gat kain kain pait i kamap long ples bilong ol. Sampela bilong ol dispela ples em long Vietnam, Kampuchea, Afganistan na Ethiopia.

Yunaitet Nesens Hai Komisina bilong ol Refuji i tok olsem dispela ol dripman nau i kamapim bikpela wari insait long wol. Man i go pas long dispela wok, Mista Paul Hartling, i tok olsem lain bilong em i wok long painim moa mani bilong helpim ol dispela pipel. Wok bilong Yunaitet Nesens Hai Komisen bilong ol Refugi, i wok long kamap bikpela tru. Long 1977, Yunaitet Nesens i painim na pinisim 100 milien kina long mekim ol wok bilong helpim ol dispela dripman.

Mista Hartling i tok, wok bilong ol i no long givim mani tasol i go long ol dispela pipel. Nogat. Ol i mas painim tu sampela we bilong mekim sindaun bilong ol dispela pipel i kamap orait liklik.

Ol dripman husat i kam olsem long hap bilong Afganistan na go insait long Pakistan, ol i kisim ol i go long sampela kam insait long kantri. Yunaitet Nesens i givim samting olsem 40 milien kina i go long helpim ol. Insait long Zimbabwe, Afrika planti pipel i lusim ples bilong ol na ranawe bihain long ol pait i kamap. Ingran i givim wok bilong lukautim ol dispela pipel i go long han bilong Yunaitet Nesens.

Tasol long Somalia dispela trabel bilong ol dripman i bikpela tru. Moa long 1 milien

pipel i lusim Ethiopia na ranawe i go long Somalia. Sampela bilong ol i go insait long Sudan na Djibouti.

Long dispela yia Yunaitet Nesens bai lusim moa long 250 milien dola long ol dripman insait long Afrika. 130 milien kina bai i go long ol dispela pipel insait long Somalia. Planti bilong ol i wok long raun yet i stap insait long ol ples waitsan. (Bikpela hap bilong dispela kantri i ples waitsan tasol).

Somalia i gat 3 milien pipel tasol. Na namel long ol dispela pipel 1 milien i dripman i go insait long kantri na kamapim planti wari long ol dispela pipel. Ol i sot nau long kaikai na planti arapela samting insait long Somalia.

Mista Paul Hartling i tok em i amamas long lukim planti kantri nau i wok long larim sampela bilong ol dispela pipel i go painim gutpela sindaun insait long kantri bilong ol. Long kirap bilong yia 1970, samting olsem 9,000 pipel i save go sindaun long ol arapela kantri. Tasol long pinis bilong dispela yia moa long 23,000 pipel i wok long painim ol nupela ples. Ol i go long ol kain kantri olsem Australia, na ol sampela kantri insait long Yurop.

Namba wan rot bilong stretim dispela wari em long salim ol dispela pipel i go bek long ples bilong ol. Tasol planti bilong ol, olsem long hap bilong Vietnam bai i no inap long go bek. Taim Yunaitet Nesens i no inap long salim ol i go bek long ples ol i save traim long painim sampela arapela kantri husat i ken larim ol dispela pipel i go sindaun wantaim ol pipel bilong en.

● Gemini Nius



COCA COLA AND COKE ARE REGISTERED TRADEMARKS WHICH IDENTIFY THE SAME PRODUCT OF THE COCA COLA COMPANY

HFME 015 6365

**Air Niugini
helpim go het
bilong
Kantri**



**FAST
COMMUNICATION**

AIR NIUGINI 

Bisnis Bilong Pipia Diwai

Long planti kantri bilong Esia ol pipel i save kukim kaikai long ol liklik stov tru. Ol i stap insait long ol liklik haus o rum na i no gat smok i ken flai nabaut bagarapim haus na ai bilong ol manmeri. Sampela pipel tu i stap long ol bot na sip na i kukim kaikai olsem. Ol i no gat gas na kerasin na petrol. Olsem na ol i gat narapela we. Ol i save yusim sampela diwai i paia pinis.

I gat sampela man i wokim bisnis long dispela kain samting. Ol i save kisim ol pipia diwai i paia pinis.

I gat sampela man i wokim bisnis long dispela kain samting. Ol i save kisim ol pipia diwai na skin plang na kain samting olsem long ol somil. Orait, nau ol i katim sotpela sotpela na i kukim long aven, we i no gat planti win.

Olsem tasol na ol hap diwai i kamap blakpela olsem ol liklik hap diwai yu ken painim daunbilo na insait tru long sit bilong paia. Dispela diwai i blakpela pinis, tasol i no gat smok. Em i lait na i paia na i save kuk longpela taim.

Orait, dispela kain blakpela diwai i paia pinis, ol i save pulim i kamaut long paia na mekim dai

paia bilong ol na putim i stap. Nau dispela diwai i no gat hevei, na em i save lait wantu, na mekim hatpela paia i kamap. Nau na ol i pulimapim long ol bek na i salim long ol pipel.

Long PNG ol pipel i stap long ol skwata setelmen na long ol haus nabaut long taun, i ken yusim ol dispela kain blakpela diwai i paia pinis. Olsem na Bisnis Development Dipatmen i laik kirapim dispela kain wok long Lae.

Ol poto long dispela pes i soim sampela dispela wok. Man i laik kirapim, em i mas baim sampela dram tasol na weldim o soldaim tupela o tripela wantaim.



Orait, nau em i mas kisim ol pipia paia-wut bilong somil i stap klostu.

O em i ken kisim paia-wut long bus tu, sapos i gat. Nau em i kukim insait long longpela dram. Taim em i kukim em i pasim dram na dispela ol hap diwai i paia isi isi tasol.

Ol smok samting i kamaut long sampela hul aninit long Na sampela taim dispela smok na gas bilong paia, em tu i save paia na hatim paia aninit long dram.

Man i laik statim dispela kain wok, mobeta em i stap klostu long ples i gat somil o planti pipia paia-wut, olsem long taim ol i kukim nupela gaden. Ol dram samting bilong kirapim wok, ol dispela bai kostim K400 samting. Na bihain dispela blakpela paia-wut i redi pinis, em i ken pulimapim long ol liklik bek, na salim long K2 bilong wan wan bek.

● Frank Mihalic

KATIM PE GO DAUN

Moa long 500 man meri husat i stap long ol haus bilong Hausing Komisn i askim Provinsal Gavman long katim pe i go daun. Ol i laik baim long hap pe tasol (50 pesen). Long wanem ol i tok pe bilong haus i dia tumas.



Ol i kukim ol hap paia-wut insait long ol longpela dram. Ol i putim paia aninit na nabaut long dram ol i karamapim ol graun bai hat bilong paia i no ken lus nating. Insait long maus bilong dram yu ken lukim paia-wut i paia pinis.



Ol dispela hap paia-wut i blakpela na no gat hevi bilong ol. Ol i redi pinis bilong salim nau.



Skwata setelmen olsem dispela long Bumbu/Lae i gutpela ples bilong yusim dispela blakpela paia-wut. Long wanem, ol haus i klostu klostu na i no gat paia-wut i stap. Kerasin i kostim planti mani.



Ol man i sakim ol blakpela paia-wut bilong bringim i go maket. Long maket ol inap salim 5 kilo paia-wut long K2. Tasol 5 kilo i planti, wanem, dispela kain paia-wut i no gat hevi olgeta.

MOOA

LONG MONI BILONG YU

Nupela!



TRAKA I WOKIM GUT OLGETA SAMTING

Wantaim 1166cc ensin,
Traka i gut tru long draivim
na em i gat strong long go antap
long ol maunten na long rot i nogat kolta.
Yu inap foldim ol sit sapos yu laik karim
kago long baksait.
Gutpela Toyota mechanical parts i givim gutpela wok.
Tasol bai yu mas kisim spares tu
sapos yu laikim.
TRAKA i wok tupela wei na i gutpela transport
bilong ologeta wantaim prais ino dia tumas.
Go lukim ol – Draivim ol nau long ELA MOTORS.



TOYOTA
TRAKA



ELA MOTORS

A Member of Burns Philp Group

GS305

YU ASK LONG EN. YU KEN KISIM

TOYOTA

Laip Long PNG



Mi sik na mama i bringim mi long haus sik. Kemraman snepim tupela long Lamekot, Niu Ailan.




Samari Viles Yut Grup danis long Daru taim ol i opim nupela haus radio. Nem bilong meri hia em Lorain Solomon. Em wanpela namel long ol 50 memba bilong dispela yut klab husat i wokim singsing.

Photo - Australian Information Service.



Meri ya i laik insait long nupela stua bilong salim basket long Lae maket. Meri ya i bilong Sepik na i stap long Bumbu.



Dispela em i wanpela bebi basket ol meri bilong skwata setelmen long Bumbu/Lae i save wokim. Em i gat tupela han bilong em. Man i sanap long hap na meri long hap, na tupela i karim pikinini namel long tupela na i wokabaut i go. Olsem na meri wanpela tasol i no mas wok long karim long bilum. Dispela basket i soim olsem, dispela pikinini i bilong tupela wantaim.

Lae Meri Gat Nupela Aidia

Morobe Provins Asosiesen Bilong ol Meri i gat wanpela nupela aidia bilong helpim ol meri i save westim planti taim long maket. Ol i save wokim ol basket na bilum na klos samting na ol i save lusim planti aua moa long maket. Hia ol i save sindaun wetim ol pipel i kam baim ol dispela samting. Tasol ol i gat famili na pikinini na i nogut ol i stap long we long haus inap longpela taim.

Olsem na Asosiesen bilong ol Meri

Morobe i laik kirapim wanpela stua long maket bilong Lae.



Olsem na stua ya i baim ol samting long prais i daunbilo liklik.

Tasol ol meri i no mas wet; stua i baim oltaim. Na sampela meri skuliva i wok long stua, na ol bai kisim inap K2 pe long wan wan de.

Haus stua i stap pinis; em i wanpela haus simen. Em i bilong Siti Kaunsil. Nau ol meri i redi long statim dispela nupela bisnis na aidia.

Meri Helpim Ranawe Man

Wanpela Yunaitet Nesens meri i kamap pinis long Wabo insait long Galp Provins.

Em i laik lainim ol ranawe-man bilong Wes Irian long tok Inglis.

Yunaitet Nesens i salim meri ya, nem bilong em Mis Choon Soo Koh bilong kantri ol i kolim Malaysia. Malaysia i stap klostu long Indonesia. I gat 150 ranawe man olgeta i stap long Wabo.

Nesenel Kaunsil oy Wimen i laik opim nupela opis long Lorengau Manus. Ol bai opim long 24 Mas.

TAPIOK KEK

Ol samting yu mas i gat:

Tripela kap tapioka (skrapim pinis.)

Wanpela kap kondens milk.

Wanpela kap gris bilong kokonas (skel-im long tupela kap. Wanpela kap i mas i gat planti gris na arapela kap i nogat planti gris bilong kokonas).

Tripela kiau (paitim gut).

Tripela tebol spun milk paura.

Tripela tebol spun bata.

Sis (skrapim pinis.)

We bilong wokim:

1. Tanim gut kiau wantaim tapiok.
2. Putim sol, bata, kondens milk na kap i nogat planti gris bilong kokonas.
3. Putim i go long plet kapa (trei) na kukim long aven inap klostu i tan.
4. Rausim long aven na kapsaitim kap kokonas i gat bikipela gris. Orait bihain putim sis i go antap long en.
5. Putim i go long aven na larim i stap inap antap bilong kek i braun.



FANTA
it's a BOTTLE OF FUN

FANTA IS A REGISTERED TRADE MARK OF THE COCA-COLA COMPANY

HRD CC/FP205



PREN BJLONG YU INAP OLTAIM

Taim Tambu No Ken Kamap Gen

Tret Komisisina Bilong Australia

Dispela komisisina bilong lukautim ol wok bisnis bilong Australia, em i ken tokim yu we yu ken baim ol samting long Australia.

Ating yu laik painim sampela nupela stua bilong baim ol kain samting.

Ating yu laik painim sampela nupela masin o tul bilong wok.

Ating yu laik painim sampela nupela samting bilong putim long stua bilong yu . . .

Yu askim tasol dispela saveman bilong Australia

Em inap tokim yu, wanem kain kain bisnis i stap long Australia na tu wanem kain samting ol i save salim.


Em inap skulim ol PNG bisnisman we ol i ken salim samting bilong ol long Australia.

Sapos yu laik em helpim yu, yu rait tasol i go long :

The Australian Trade Commissioner,
Box 9129, Hohola,
Papua Niugini.

O yu ken ring long dispela namba, 25 9333.

Yu inap baim planti
gutpela samting
long gutpela prais
na ol samting
i stap klostu
tasol long
yu



**Askim Australia Trade
Commissioner**

Wanpela komiti bilong Palamen i askim pinis Gavman long no ken yusim stait ov imejensi lo gen. Gavman i bin mekim ol imejensi lo na plis i bin yusim namba wan taim tru long Juali las yia. Ol i yusim long Enga, Westen Hailans, Isten Hailans, Sauten Hailans na Simbu Provins.

Komiti husat i askim Gavman long stopim dispela lo, em i Nesanel Imejensi Komiti. Nesanel Palamen i kirapim dispela komiti bilong lukluk long ol wok bilong ol plis aninit long imejensi lo. Arapela wok bilong komiti ya, em i long raitim ripot bilong ol samting i kamap long taim tambu na givim i go long Nesanel Palamen.

RIPOT GO PINIS

Las yia ol i raitim kamap tupela ripot na givim i go long Nesanel Palamen. Na Februari 25, long dispela yia, ol i raitim las repot bilong ol na givim i go pinis long Palamen.

MEMBA PALAMEN

I gat 9-pela man i stap long dispela komiti. Na olgeta yet, ol i Memba bilong Palamen. Ol dispela lain man, em hia nem bilong ol. Sir John Guise, memba bilong Milne Be. Mista Thomas Kavali, memba bilong Jimi. Mista Joseph Aoae, memba bilong Kairuku-Hiri. Mista Matiabe Yuwi, memba bilong Tari, Mista Neville Bourne, memba bilong Menyamy. Mista Sailas Atopare, memba bilong Goroka, Mista Michael Pondros, memba bilong Manus, Mista

Opai Kunangel, memba bilong Angalimp-Saut Wagi na Mista Jacob Lemeki, memba bilong Samarai-Murua.

GUISE SIAMAN


Sir John Guise, em i siaman bilong dispela komiti. Na namba tu bilong em, em i Mista Thomas Kavali.

Sir John Guise i tok, Gavman i no ken yusim dispela lo bilong taim tambu gen. Dispela hap askim i kam yet long maus bilong planti pipel long Hailans. Ol pipel i tok, dispela kain lo i mas pinis. Long wanem, planti taim ol plis i save tekewe nating ol gaden tul na bilas bilong ol. Na i no gat as tru bilong tekewe ol kain samting olsem.

Sir John Guise i skelim tok bilong ol pipel na em i amamas tru. Em tu i tok, bilong wanem yumi wokim dispela lo gen? I gat wanpela lo i stap pinis bilong lukautim ol kain trabel i save kamap long Hailans.

NUPELA LO

Dispela lo ol i kolim, Intra Traibel Paiting Ekt. Dispela lo i bilong kisim wanem tupela lain i wok long sutnus na givim mekimsave long ol. Taim ol trabel i bin kamap long hap bilong Morobe Provins na Is-



Siaman, Sir John Guise

ten Hailans dispela lo i wok gut tru. Sir John i tok, dispela lo i wok gut long dispela tupela hap. Na em i ken wok gut tu long ol arapela hap bilong Hailans.

PINISIM RIPOT

Komiti bilong Sir John Guise i bin raitim kamap dispela ripot bihain tasol long raun ol i mekim. Ol i mekim ol raun painimaut insait long ol hailans provins long las yia na long Februari long dispela yia. Sir John i tok, taim ol provinsal gavman i kamap long Hailans, ol pipel i stat long kirapim planti trabel.

Em long wanem provinsal gavman i save mekim bel ol pipel i hat na ol pipel i no save pretim ol. Olsem ol pipel i save mekim samting long laik bilong ol tasol.

Sir John i ting wari bilong lo na oda inap pinis. Em i laik

lukim wanpela grup i sanap namel long ol pipel na Nesanel Gavman. Na wok bilong dispela grup, em long salim tok bilong ol pipel i go stret long Nesanel Gavman. Na ol gen mas kisim bekim bilong dispela tok na salim i go bek long ol pipel.

STRETIM GRAUN.

Arapela samting i wok long kamapim ol trabel em wari bilong graun. Olsem na Sir John i laik Gavman i mas putim wanpela lo long soim husat tru i papa bilong hap hap graun. Em i tok, dispela lo i mas tok klia olsem. Husat man i bin gat graun bipo ol waitman i kam orait dispela hap graun em i mas bilong dispela man tasol. Na wanem lain i papa long graun bipo ol waitman i kam, dispela hap graun i mas stap olsem graun bilong dispela lain.

Asora Paul

Ramu Suga

im wan kilogram suga long 57 toea. Dispela i min olsem, ol kantri i save mekim suga bai stap brumim gut mani tru.

Mista Olewale i tok, husat ol man i

egensim aidia bilong Gavman long groim suga long Ramu, ol i longlong. Ol i stap pairap nating, no gat liklik save long pairap bilong ol. Wanpela bitok, husat ol man i

em i memba bilong Sohe, Mista Steven

Tago. Mista Steven Tago i laikim planti liklik wok suga nabaut long kantri. Na maski long dispela wanpela bikpela wok suga tasol long Ramu.

Gavman bilong PNG i save lusim bikpela mani tru long baim ol kaikai bilong ol arapela kantri. Na

long 1975 tasol Gavman i stat wari. Nau, ol i wok long traim painim we bilong katim daun mani ol i save baim ol dispela kaikai. PNG i save baim planti kaikai i kam long Australia, Japan na Niu Silan. Suga, em i wanpela bilong ol dispela kaikai PNG i save baim.

Asora Paul

NUPELA HAI SKUL

Sapos Pangia Hai Skul i op long dispela yia, namba bilong ol Hai Skul long Sauten Hailans bai go antap long 8-pela olgeta. Ol Hai Skul i stap nau long Sauten Hailans em Mendi, Ialibu, Tari, Kagua, Nipa, Poroma na Koroba.

Edukesen em i inap go long skul. Na wanpela bikpela wari tu taim ol i pinisim long Sauten Hailans. skul ol i no inap pain-Plantu pikinini i no im wok.

Asora Paul

PHANTOM COMICS
Hero-Lewa
No. 676
bilong Phantom
i lus

Haus Piksa

"Sapos yu laik go lukim piksa hia, yu mas putim wanpela helmet na go insait. Nogut wanpela ston i flai i kam insait na brukim het bilong yu." Yane Gare, wanpela man i save wok long dispela haus piksa i bin mekim dispela tok.

"Sapos ren i pundaun ol i save stopim piksa na givim wanpela tiket long ol pipel. Orait long neks nait ol pipel i gen go bek na lukim dispela piksa taim ol i soim tiket."

Ol dispela samting i kamap insait long wanpela haus piksa long Pot Mosbi ol i kolim Koki Haus Piksa.

Dispela haus piksa i no gat ruf long en. Olsem na taim bilong ren ol i save stopim piksa na ol pipel i go aut. Na tu ol pipel autsait i save sutim ston na botol i kam insait. Ol bikpela man i baim 55 toea na ol pikinini i baim 20 toea tasol. Taim i gat piksa bilong Kung Fu ples i save pas tru. Planti nois tumas na yu no inap long harim ol toktok i kamap long piksa.

Long Nita Strit Haus Piksa, ol sampele boi i tok ol meri i save pret long go lukim piksa. Bilong wanem planti spakman i save holim ol na ol i pret long go. Ol natnat tasol i save pulap.

Marcel Oii, i save go lukim piksa long dispela ples na em i tok ol man i save brukim nabaut botol insait long haus piksa.

"Yu mas putim su na go insait nogut yu krungutim glas na i katim lek bilong yu. Insait bilong haus

piksa tu i hat nogut tru. Na taim haus piksa i pulap ol man i save painim ples tru." Dispela haus piksa i stap klostu long Boroko Hotel olsem na planti spakman i save kamapim kain kain trabel autsait long en. Olsem na bos bilong dispela haus piksa i save kisim ol sampela Wormald sekuriti man i kam was insait long haus piksa. Wanem spakman i wokim trabel bai sekuriti man i ringim plis na ol i kam kisim em i go long plis stesin.

Hohola haus piksa tu i no gutpela tumas. Ol sia bilong haus piksa i strong tumas na as i save pen taim ol man sindaun lukluk long piksa longpela taim. Ravao Egi na Ao Ume tupela man husat i save go lukim piksa long dispela hap i tok olsem. Na tu ol man i save putim P.K. long ol sit insait long haus piksa." Taim yu go insait yu mas lukluk gut pastaim na

sindaun. Nogut yu bagarapim gutpela trausis bilong yu."

Viktori haus piksa long Badili tu i gat ol wankain wari olsem ol arapela haus piksa insait long Mosbi. Ol sit i no gutpela tumas, ples i save hat nogut tru taim ol man i pulapim haus piksa na ol man i save mekim planti nois.

Na tu ol spakman i save kirapim pait long dispela hap. Hebei Aihi, wanpela man i save go long dispela haus piksa i tok ol i laik lukim ol sampela senis i kamap long haus piksa.

Dispela ol haus piksa i no gutpela tumas tasol ol pipel i save go yet long lukim piksa. Roy Kol, em wanpela bilong ol dispela pipel. Em i tok, "Ol pipel i save go yet, bilong wanem ol i save laik lukim Kung Fu piksa na Kau Boi piksa. Na tu pe bilong baim tiket i no dia tumas. Ol i

save kos liklik mani tasol. Sapos yu go long ol kain haus piksa olsem Papuan bai yu tromoi K2.50. Tasol ol dispela haus piksa i save, kos aninit long 90 toea."

Mista Ray Barton, husat i bosim ol dispela haus piksa i tok haus piksa long Koki bai ol i pasim long dispela yia. Na long ol arapela haus piksa, Mista Barton i tok olsem. "Mipela i no laik lusim mani nating long putim ol gutpela sia insait long ol dispela haus piksa na wantu ol i bagarapim. Ol pipel i no save lukautim ol dispela samting."

Em i tok tu olsem i tru, ol meri i save pret long go lukim piksa long ol dispela haus piksa. Dispela bilong wanem ol spakman i save mekim nabaut long ol. Na tu ol waitman i no save go long ol dispela haus piksa.

I gat ol sekyuriti man i was long taim bilong soim piksa, tasol ol spakman trabel yet. ● Anna Rongap

Insait Pot Mosbi i gat 5-pela haus piksa na wanpela Draiv In (ol man i ken kisim ka i go insait na sindaun long en na lukluk long piksa). Papuan Tiata, na Wards Sinema i gat gutpela sit bilong sindaun. Na tu insait bilong em i gat kol win. Kos bilong baim tiket inap olsem K2.50. Long ol dispela haus piksa bai yu lukim planti ol wait skin man i go.

Tasol i gat sampela haus piksa insait long taun we ol blak skin pipel tasol i save pulap. Yu no inap lukim wanpela waitman insait long ol. Nogat tru. I no gat tambu long ol i go insait long ol dispela haus piksa. Tasol insait bilong ol dispela haus i no gutpela tumas, na tu ol pipel i save mekim kain kain biket pasin olsem na ol waitman i no save go lukim piksa long ol.

Ol dispela haus piksa em long Koki Tiata, Badili Haus Piksa Nita Strit Tiata na Hohola Tiata.


KOKI THEATRE



Poto antap Yane Gare pasim dua long Haus Piksa long Koki.

Poto daunbilo Nita Haus Piksa, Boroko. Ol spakmen pulap long dispela haus piksa.

NITA THEATRE



Ao Ume na Ravao Egi sekap long ol piksa bai kamap long Hohola Haus Piksa. Pe bilong ol dispela haus piksa i daunbilo tru tasol haus piksa i no gutpela.



SIK MALARIA

Sik Malaria i wok long go antap moa long Sauten Hailans Provins.

Long las yia 30 man i dai long Nebi Vali long sik malaria taso!

Provinsal Helt Opisa bilong Sauten Hailans, Misis Lee Clarke, i tok dispela ol pipel i dai taim ol binatang i karim sik malaria. Ol binatang kamap planti long wanem ol i stap insait long ol hul wara nabaut long dispela nupela rot ol i wokim insait long Nebi.

Em i tok sik malaria i kamap bikipela.

Sumatin insait long gavman komyuniti skul i save winim ol sumatin bilong misin skul long gret siks eksem. Long wanem tisa bilong ol i gat moa save long wok-tisa insait long Papua Niugini.

Dispela toktok i kam long Edukesen niuspepa ol i kolim Edukesen Gaset. Man i go pas long dispela toktok, em i Profesa Sheldon Weeks. Pro-

fesa Weeks i Dairekta bilong wanpela grup husat i save wok-stadi long edukesen long PNG. Ol i stap long Yunivesiti bilong Papua Niugini.

Insait long painimaut bilong Profesa Weeks, em i painim olsem ol sumatin i winim bikipela mak long eksem i gat gutpela samting i stap long skul bilong ol. Ol i gat gutpela klas-

rum na pilai graun.

Na ol tisa i gat planti save long lainim ol sumatin. Tasol misin skul i no gat ol dispela samting long helpim ol manki long kisim gut save long wok bilong rit-raik. Tasol Profesa Weeks i tok dispela ripot i no pinis. Olsem yumi no inap klia, dispela toktok i karamapim olgeta skul o wanwan tasol. Olsem ol i laik skruim ripot i go moa.

tok, planti misin skul i nupela na i stap long bik bus. Na tu planti i liklik skul tasol na ol tisa i bilong asples. Na tu sampela ol tisa i no gat gutpela trening.


Ripot i soim tu ol gavman skul i winim planti yia, i moa bikipela na i stap long taun. Na tu ripot i tok sindaun bilong ol tisa bilong misin skul i no gutpela. Planti hetmasta i olupela na i nogat save tumas long wok-tisa.

Profesa Weeks i

MITSUBISHI UTE



THE STRONG ONE



for the
80's

Mitsubishi L200 Wan tan Pikap Traḡ.

Em i gat strongpela skin, i no ken bagarap hariap. Gutpela tru bilong olde olde. I gat planti spes bilong karim ol bek na ol tul na samting bilong wok. Yu ken haitim ol aninit long sea bilong draiva. Tang besin i bikipela moa, inap long 60 lita.

Nogut yu westim taim long baim liklik bensin oltaim. Mitsubishi i wari long yo. Olsem na em i larim pawa i strongim brek long frant wil. Sapos dua i op, em i gat lait long em. Sapos kai painim trabel, igat 4-pela lait i givim tok lukaut long ol arapela draiva.

Yu kam traim draivim wanpela, bai yu laikim dispela Mitsubishi L200. Em i liklik yutiliti trak bilong ol 1980 yia.

TOBA

PTY. LTD.

TOBA PTY LTD
PORT MORESBY

TOBA PTY LTD
LAE

LINUPA PTY LTD
GOROKA

HAGEN HAULIERS
MT HAGEN

RABAU GARAGE
RABAU

GIRIDA UNDARI MOTORS
POPONDETTA

KAMSCO
KAVIENG

MICHAEL WING YOU
MANUS

WONG KUI
BUKA

STEAMSHIPS MACHINERY
MADANG

HEBAMO 103

Notis

Wantok Publications is seeking to make appointments to the positions listed below within the next month.

All positions are located in Port Moresby.

In addition to holding the minimum qualifications listed, applicants will be expected to show the potential to meet the demands of a rapidly expanding organisation.

The positions should appeal to those keen to achieve. Prospects are excellent.

1. SENIOR JOURNALIST

Required to work for Wantok Niuspepa. Experience and executive potential essential. Must be fluent in written and spoken Tok Pisin.

2. REPORTER

Required to work for Wantok Niuspepa. Diploma in Journalism or equivalent experience necessary. Must be fluent in written and spoken Tok Pisin.

3. BOOKKEEPER

Tertiary education with successful record in accountancy or commerce studies. At least three years successful work experience in handling debtors and creditors ledgers.

4. KEYBOARD OPERATOR/TYPESETTER

Opportunity for fast accurate typists to learn new skills to operate IBM Electronic Composers. Only experienced typists should apply.


5. RECEPTIONIST/TYPIST

Smart, confident women with at least Grade 10 education with fast accurate typing skill.


Interested applicants should write with sufficient information to:

General Manager,
Wantok Publications,
P.O. Box 1982
BOROKO.

All applications will be treated in strict confidence.



**MORTEIN
TASOL I KEN
KILIM OL
BINATANG
KWIKTAIM**



Poto (L-R) John Barre, Emmanuel Saun, Edith Enoga redim stori

Komyunikesen Kos

Namel long mun Januери, wanpela Komyunikesen kos i kamap long Komyunikesen Institutesen long Kamaliki klostu long Goroka. I gat sevenpela man olgeta i kamap long kos. Ol i kam long Enga, long Westen Hailans Provins, Is Sepik, Vanimo, Lae na sampela wokman bilong Komyunikesen Institut long Kamaliki yet.

Insait long dispela lain i kam long kos, gat wanpela meri tasol. Em mi yet Edith Enoga bilong Lotu Engliken. Na ol arapela, em ol man tasol. Na olgeta bilong Lotu Katolik. Ol man em, Joseph Sei, Theodore Yange, Fr. Anselm Turner, Emmanuel Saun, John Kua na Linus Nemule.

Kos i stat long Januери 14 na i pinis long Februери 7. Sista Mary Hudson na Mr. John Barre bilong Lotu Katolik, na Mr. Rowan Callick husat i save wok long 'Wantok' Niuspepa, i lukautim dispela kos.

Insait long kos ol i lainim mipela long gutpela pasin bilong wokim ol kain kain program long redio, pasin bilong lukautim

ol masin bilong redio, na raitim niuspepa. Mipela olgeta husat i kisim kos long dispela taim, bai wok wantaim ol lotu bilong mipela yet na kamapim lotu program long redio.

Mi yet mi amamas tru long dispela kain kos mipela i kisim. Long wanem redio em wanpela strongpela rot long lainim ol man, meri na pikinini

long ol kain kain samting. Tasol sampela samting i gutpela na sampela i nogut. Olsem inap bagarapim tingting bilong ol man sapos yumi wokman na meri bilong redio i no kamapim gutpela program.

Olsem na mi ting, i gutpela long yumi sampela Kristen man meri bilong Papua Niugini mas tingting

gut na i kam long kisim dispela kain kos, long wok wantaim gavman o wantaim lotu bilong yumi yet na kamapim gutpela program long redio.

Mipela go bek nau long ples na mipela bai wok long redim ol kain program bilong lotu na developmen insait long provins bilong mipela. Mipela redim ol program pinis mipela bai salim i go long ol reginal redio stesin. Bihain ol i putim i kamap na ol man meri i ken harim.

*Edith Enoga



Baksait: Fr. Anselm Turner (L-R) Emmanuel Saun, Theodore Yange, Edith Enoga, John Kua. Insait Sr. Mary Hudson. Ol i wok long putim stori long kaset bihain ol bai salim i go long N.B.C.

Komplen Tumas Long Baim Meri

Dia Edita — Plis givim liklik spes long mi. Mi bai bekim pas bilong wantok ya, Lawles Tominat bilong Maprik, E.S.P.

Brata Lawles pas bilong yu kamap long Sarere 2 Februari 1980.

Tasol yu bin tok long ol papa mama bilong ol meri bin makim pe long 3 tausen kina na tingting bilong yu i no stret. Olsem na yu raitim pas i go long wantok niuspela. Orait brata, mi gat

sampela tingting, mi tokim yu, yu mas lukim.

Yes brata Lawles. Yu tok long 3 tausen kina bilong baim ka, em gutpela tasol bilong wanem mipela baim meri long 3 tausen kina. Yu tok olsem orait brata. Meri i no samting nating. Yu baim meri long 3 tausen kina bai meri i helpim yu long wanem kain wok i stap long ples bilong yu. Em ken helpim yu long oltaim na yu stap gut tru.

Sapos meri karim

pikinini man orait dispela pikinini bai helpim yu long bihain taim. Meri karim pikinini em kisim ples bilong yu na stap long graun bilong yu.

Tasol brata Lawles meri lusim papamama na susa brata na kam pas wantaim yu na stap i go i go orait bihain bai matmat brukim marit bilong yutupela.

Sapos yu bin baim ka long 3 tausen bai em tanim bek na kaikaim yu. Taim ka bagarap orait yu tro-moi tausen kina moa long dispela ka. Tasol

yu baim meri long bikpela mani bai yu no inap baim gen long meri. Meri i gat tingting, meri i gat han na lek na ai. Em tasol long bekim bilong mi. Sapos yu kros orait salim pas i go long Wantok Niuspepa na bai mi lukim. Tenkyu.

J. Yalea.
Arawa, NSP.

Salim ol pas
i kam long:

WANTOK
BOX 1982
BOROKO

Mipela Hangere

Dia Edita — Mi laik toktok liklik long Vanimo taun i sot tru long kaikai. Mipela ol pablik sevens bilong Vanimo taun, mipela painim hat long painim kaikai long maket na stua. Bilong wanem na Vanimo maket na tupela stua, Steam-sips na Wewak Trad-ing i no gat kaikai.

Mipela wokman bilong longwe ples o long narapela provins mipela kam stap long Vanimo i painim hat moa long painim kaikai. Tupela stua ya i sot tru long saplaim rais i kam long mipela. Long maket tu ol

gaden kaikai i sot tru. Mipela wetim ol stua i kisim oda bilong ol na em bai min olsem bai yumi wet inap wan mun olgeta.

Klostu bai sampe-la man i dai long hangere long Vanimo taun. Ating Gavman bilong PNG i mas tingting gut na salim sampela moa rais i kam long Vanimo taun, long sip o balus.

Gavman mas tingting tu long ol pipel i stap long ol ples long Sandaun provins na taun bilong Vanimo long salim moa kaikai i kam long yumi.

Mi wanpela pablik sevens bilong Vanimo na mi tok sapotim ol lain bilong mi yet long Vanimo taun.

Peter Kakapu Takil,
Vanimo, WSP.

Noken Paulim Nem Simbu

Dia Edita — Plis surukim mi i go long kona bilong pepa na mi laik bekim pas bilong brata Jawanu Mainyandu. Em i bin kamap long Wantok namba 299.

Long pas bilong em, em i bin rait na tok ol pipel bilong Morobe i save bagarapim nem bilong ol Simbu long sampela taim we ol i no mekim rong.

Yes brata, dispela tingting bilong yu em i no stret. Yu mas save olsem planti ol manmeri bilong Morobe Provins ol i no bin go raun long ol hailans provins. Ol i save tasol long nem Simbu. Na i no ol Morobe tasol. I luk olsem planti man na meri bilong nambis i save long dispela nem Simbu. Na sapos yu stori long Hagen, Wabag o Goroka bai ol i askim yu, em i stap long Simbu o nogat.

Yes brata, long 1979 mi bin i go malolo long ples (Bogia) na ol wan lain i bin askim mi. Yu

stap long Simbu na yu kam daun. Mi tok, "Nogat. Mi stap long Wabag, (Enga Provins). Em i longwe long Simbu, na tu Enga em i longwe moa long Simbu. Na tu Enga em i narapela hap na tokples em i narapela."

Bihain mi tokim ol. "I gat planti hap long Hailans olsem Goroka, Simbu yet, Hagen, Wabag na Mendi. Na tu wan wan bilong ol dispela i gat narapela tokples na pasin tumbuna bilong ol.

Yes brata, ating long dispela as we ol Morobe i no save man bilong wanem hap bilong Hailans i mekim dispela rong. Olsem na ol Morobe i save kolim nating nem bilong Simbu.

Ating brata dispela pas i bin kliaim o stretim olgeta belpen bilong yu. Sapos yu laik surukim moa, em save i stap long yu. Em tasol long bekim pas yu bin raitim kamap.

Cyril Madman,
Wabag, Enga Provins.

Planti Senis Long Lotu

Dia Edita — Inap yu givim mi spes long raitim dispela liklik wari bilong mi? Wari bilong mi i go olsem.

Mi wanpela meri i no save amamas long we bilong sios. Mi yet mi no save long amamas long lotu bilong tude bikos lotu i wok long senis. Mi yet mi save lukim ol

pipel tude i no save long gohet long dispela taim. Bikos i gat kain kain senis insait long Sios na long ausait. Mi bilip ol man meri bilong bipo nau i no save tru long we ol i save lotu nau. Em tasol.

Josephine Weston,
Buin, NSP.

Kot Mas Givim Bek Mani

Dia Edita — Plis inap yu lusim hap spes bai mi putim wari bilong mi? Yes, wari bilong mi i go olsem:



Long lukluk bilong mi o long sampela man tu i no gutpela long ol plisman na ol kiap bilong mekim kot i kamap. Em olsem, taim wanpela man em i stilim samting bilong narapela man olsem mani, klos, trausis o brukim suga long gaden o ol i kilim pik na kaikaim ol dispela samting.

Sapos wanpela man i stil na papa bi-

long ol dispela samting i lukim na kotim em, ol plis i karim stilman i go long rumgat na ol i sasim em long K100 o K50. Samting bilong em i ken belaut na bihain i kam bek long kot.

Tasol papa bilong ol dispela samting, i lus na em i ting bai yupela ol man bilong kot inap kisim samting na mani bilong em na givim em long

ol samting i lus, olsem bai amamas na i stap.

Taim stilman i go long kot ol kiap na plisman ol i tok yu stilman brukim lo yu go nating na mani yu belaut em i go long gavman beng. Ol i save tok olsem na tarangu ol samting bilong man ya i lus nating na yupela gavman yupela lusman stret na kisim mani

bilong em i no gutpela.

Sapos man i brukim bikpela Lo olsem kilim man o brukim bikpela stua o ka kilim man o bamim em yes, gavman i ken kisim mani long dispela kain we. I no gutpela long kisim mani bilong ol liklik samting bilong man i lus.

Kopata Moses,
Panguna, NSP.

T.C.M. FOK TRAK

Kam nau na lukim kain kain fok lip bilong mipela

Mipela i gat DISEL FOK LIP na LEKTRIK FOK LIP tu

Hevi bilong ol i stat long wan tan i go inap 35 tan.



Yu inap baim long:

NEW GUINEA MOTORS

THE TRUCK PROFESSIONALS

Port Moresby
P.O. Box 1070
BOROKO
Phone: 25 3644
Telex: AUTO NE22124



Kieta
P.O. Box 128
KIETA
Phone: 95 6174

Kimbe
P.O. Box 9
KIMBE
Phone: 93 5191

Rabaul
P.O. Box 311
RABAUL
Phone: 92 1022

Lae
P.O. Box 54
LAE
Phone: 42 3477
Telex: AUTO NE42593


Mt. Hagen
P.O. Box 459
MT. HAGEN
Phone: 52 1035

Goroka
P.O. Box 579
GOROKA
Phone: 72 1511



PNG Hai Komisina long Ingran, Mista Fred Reiher (lephan) toktok wantaim King Leopold III olpela king bilong Belgium na Mista William Dihm. Ol i wok long opim wanpela so i gat ol kain kain piksa na kaving bilong PNG. Ol i wokim so long Brussels, biktaun bilong Belgium.

COLGATE I SAVE STRONGIM TIT BILONG YU



Olgeta de long moningtaim na long apinun yu mas klinim tit bilong yu. Yu mas mekim olsem:

- 1 Putim liklik gris bilong klinim tit antap long liklik brum bilong klinim tit.
- 2 Sapos yu laik bai tit bilong yu i waitpela tru na i strongpela, yu mas klinim tit bilong yu bihain long olgeta bikpela kaikai. Putim liklik brum antap long tit na pulim em i go antap na i kam daun gen, planti taim.
- 3 Nau klinim ol sap bilong tit.
- 4 Yu mas klinim tu baksait bilong tit.
- 5 Taim yu klinim tit, yu mas krungutim tru dispela liklik brum, bai em inap klinim olgeta liklik spes namel long ol tit na rausim ol pipia kaikai long en. Pipia kaikai i mekim tit i sting na i gat hul.


Dispela em i pasin tru bilong klinim tit. Na sapos yu bihainim tru, bai tit bilong yu i klin na i waitpela na tit na maus bilong yu i no ken sting.

Bilong strongim tit, yu mas dringim plantim susu, na kaikai ol samting i gat vitamin na gutpela marasin long en.	SUSU i gat kalsium na fosforus—em tupela samting i save strongim skin bilong tit. Na tu i gat vitamin A, B, C, na D.	OLKAIN SAYOR i gat vitamin A na C.	Sapos yu no lukautim gut tit bilong yu, bai ol i bagarap olsem:	GUTPELA TIT 1 Skin 2 Bun 3 Rop	WARI Lukaut, nau hul i bin kamap inap long bun bilong tit. Nau yu save pilim liklik pen. Hariap. Go lukim dentis.
	KIAU i gat kalsium, fosforus na vitamin A, B, na D.	OLKAIN PRUT i gat vitamin A na C.		PIS i gat fosforus na vitamin B.	LUKAUT Wanpela liklik hul i bin kamap long tit na skin i stat long sting. Go hariap long dentis (dokta tit).

Yu mas kaikai mit wantaim sayor bilong kisim vitamin A, B, na C.

Lukaut: planti switpela kaikai na loli i save bagarapim tit hariap.

Colgate gris bilong tit em i swit moa, na i mekim tit bilong yu i waitpela na i strong.



Tok save i kam long Colgate Palmolive bilong helpim helt bilong tit.

Ol Faiwol No Laik

Ol pipel bilong Faiwol eria i tok ol i no redi yet long lukim dispela kopa na gol main i kamap.

Faiwol eria insait long Westen Provins i eria we Gavman na ol kampani bilong arapela kantri i toktok nau long kirapim kopa na gol main long ples Ok-Tedi.

Memba bilong Westen Provins, Mista Kala Swokin i tok em i sapotim dispela tingting bilong ol tu.

Em i tok dispela eria i wanpela eria we ol pipel i no lukim wanpela developmen i kamap olsem ol arapela provins.

Mista Swokin i tok Gavman i no laik givim edukesen, putim ol haus sik lainim ol pipel long wok didiman na ol arapela bisnis pastaim. Na bihain ol i bringim dispela hap i no gat save na i no planti man long asples stret bai

go insait long dispela bikpela bisnis bilong Ok-Tedi.

Ol pipel i wari tru long wanem samting bai kamap long bihain taim sapos ol i pinisim tru olgeta kopa na gol i stap aninit long graun. Em i tok Gavman i no toksave tu long pipel bilong Faiwol eria long wanem samting ol i tok orait long en wantaim ol bikpela kampani husat i laik painim kopa na go.

Tarangu Fan

Is Sepik Provinsal Gavman i senisim pinis nem bilong wanpela fan em i bin kirapim long helpim ol pipel bilong ples. Dispela fan bipo ol i bin kolim Rolin Fan nau ol i putim nupela nem long en. Em long Tarangu Fan

Provinsal Gavman i bin kirapim dispela fan long Desemba 1979. Em i skelim K30.000 long baset bilong 1980 i go long kirapim dispela fan.

Dispela fan em bilong helpim ol pipel insait long ples husat i kirapim pinis ol kain kain projek bilong helpim sindaun bilong ol. Dispela ol projek i mas ran gut inap olsem 6-pela mun o 1 yia pastaim. Orait bihain ol i kisim helpim i kam long dispela fan. Sapos ol dispela projek i kamap gut orait komiti bilong fan i ken helpim ol long sampela mani.

Ol pipel i ken askim dispela fan long K50.00 i go inap long K2,000.

Taim ol eplikesen i kam long ol pipel, komiti i save lukluk pas long ol projek olsem kopi, kopra, kakao, wok bilong lukautim ol pik, kau, kakaruk, planim rais na ol arapela wok bilong helpim sindaun bilong ol pipel long ples.

Dispela komiti i kisim pinis klostu 240 eplikesen i kam long ol pipel long ples.

Dispela komiti i kisim pinis klostu 240 eplikesen i kam

Wok Bisnis

Sauten Hailans Provinsal Gavman i baim pinis Mendi Hotel. Na dispela hotel i wok long pamim sampela mani i go insait long Gavman. Ol i insait tu long bisnis bilong salim tiket ol i kolim "Lottery" wantaim Provinsal Gavman bilong Madang, Westen Hailans, Isten Hailans na Enga.

Provinsal Gavman i kirapim wanpela bulmakau projek long Kagua

5-WOL NUIS-WO

★ YUGOSLAVIA — Presiden Tito bilong Yugoslavia i sik nogut tru yet. Em i stap long haus sik yet bihain long taim ol dokta i rausim wanpela lek bilong em. Em i bin go insait long hauf sik moa long 7-pela wik i go pinis. Bihain long ol dokta i rausim wanpela lek bilong em, sampela arapela trabel long hat bilong em i mekim em i sik nogut tru.

Ol dokta bilong em i traim hat tru long pinisim sik bilong em tasol ol sik ya i winim marasin bilong ol.

Presiden Tito i gat 87 krismas bilong em. Na em i holim wok olsem Presiden bilong kantri inap 30 yia. Las taim ol pipel bilong em i lukim em long Janueri 27 taim ol i kisim wanpela poto bilong em i sekhan wantaim Minista bilong bosim ol Ami Jeneral Nikola Ljubicic.

★ BIKPELA KOT LONG IRAN — Yunaitet Nesens i salim pinis wanpela komisen i go long Iran long harim ol sas gavman bilong dispela kantri i mekim long olpela lida bilong kantri. Olpela lida em Shah Mohammad Rezs Pahlavi. Ol i tok taim dispela man i holim wok olsem lida bilong kantri em i mekim kain kain pasin na brukim lo.

★ AFGANISTAN — Insait long Kabul, biktaun bilong Afganistan ol pipel i wok long pait na bagarapim ol samting long soim olsem ol i no laikim nupela gavman bilong kantri. Ol dispela trabel i kamap long 4-pela de olgeta na moa long 800 manmeri i dai pinis. Ol pipel i kros long Rasia husat i salim moa long 100 tausen soldia i kam insait long Afganistan. Ol soldia i wok long bosim kantri nau.



Absalom I Giamanim Devit

2 Samyuel 14:31 - 15:4

JOAP NAMBA WAN KEPTEN BILONG AMI BILONG DEVIT, I NO LAIK HARIM TOK BILONG ABSALOM LONG I KAM LUKIM EM. OLSEM NA ABSALOM I TOKIM OL I GO KUKIM GADEN BILONG EN. LONG TAIM GADEN I PAIA JOAP I RAN I GO STRET LONG HAUS BILONG ABSALOM.

MASKI EM I PIKININI BILONG KING. EM SAMTING NATING. BAI MI BEKIM EM.



WATPO OL BOI BILONG YU I KUKIM GADEN BILONG MI.

MI BIN SALIM TOK LONG YU NA YU NO LAIK I KAM LUKIM MI.



MI PIKININI BILONG KING. NA KING I MAS LUKAUTIM MI GUT OLSEM OL BRATA BILONG MI. YU GO LONG PAPA NA ASKIM EM BAI EM I LAIK LUKIM MI O NOGAT?



TASOL.

EM I BIN TOKIM MI LONG KAM BEK LONG JERUSALEM NA MI KAM. SAPOS EM I LAIK MEKIM SAVE LONG MI, ORAIT EM I KEN MEKIM. SAPOS NOGAT, EM I MAS MEKIM GUT LONG MI.



JOAP I KISIM TOK BILONG ABSALOM I GO LONG KING DEVIT.

PIKININI BILONG YU I TINGTING OLTAIM LONG YU. NA EM I LAIK YU LUSIM RONG BILONG EN.

EM I TINGTING LONG MI, MI TU MI TINGTING PLANTI LONG EM.



ABSALOM I GIAMAN LONG DAUNIM EM YET TAIM EM I BRUKIM SKRU LONG PAPA BILONG EN. NA EM I ASKIM DEVIT LONG LUSIM RONG BILONG EM.

KIRAP ABSALOM, MI LUSIM RONG BILONG YU PINIS. NA STAT LONG NAU YU INAP I STAP LONG HAUS BILONG MI YET.

Used by permission of the David C. Cook Foundation. Copyright 1973. David C. Cook Publishing Co. All rights reserved.

Komik hia i kamap pinis long buk. Yu inap baim long olgeta Kristen Buk Stua.



St. Johns Embulans long Mosbi i kisim pinis wanpela nupela bas long helpim wok bilong ol. Long las wik Fraide, Rotary Klap bilong Boroko i presen long wanpela bas i kos samting olsem K5,500. Ol man sanap lephan i go long raithan.

Private Tony Rogers bilong Sepik, Koproel Matilda Menik (Manus) Lord Gray bikman bilong St. Johns Ambulans, John Haugie (Presiden bilong Rotary Klab). Graeme Dunnage (Namba tu presiden bilong Rotary) na Ignatius Kilage (Komanda bilong St. Johns Embulans).

Sande Lotu

Frank Mihalic

SANDE BILONG PALMEN

30 Mas 1980 -

Luk 19: 28 - 40.

Gutnius tude i stori long taim Jisas i go insait long biktaun Jeruselem wantaim ol disaipel bilong em. Na planti pipel moa i amamas na i singaut hosana na ol i putim laplap long rot. Ol dispela i pasin bilong welkamim wanpela bikpela man olsem king.

Long dispela de Jisas i mekim narakain pasin. Nau em i laik kamap olsem king tru. Na em yet i redim ol samting. Em yet i save pinis ol bikpela bosman insait long taun i wet long holimpasim em na kilim em i dai. Tasol Jisas i no hait. Nogat. Dispela taim em i no go stil long bikpela holide bilong ol Juda. Em i larim ol pipel i litimapim nem bilong em. Olgeta manmeri i mas harim, ol i mas lukim - nau em i kam insait long Jerusalem olsem king tru.

Olsem wanem nau? Sampela taim bipo, ol pipel i laik kisim Jisas na mekim em i king. Tasol em i no laik, na em i ranawe i go. Tasol tude nogat. Tude Jisas i pilim, nau taim bilong em long graun i laik pinis. Em i las wil long laip bilong em. Olsem na em i no ken haitim tok moa. Em i mas tokaut na soim klia tru: yes, em i king. . . tasol kingdom bilong em i no bilong dispela graun.

Long dispela wik bai Jisas i karim planti pen. Loag dispela pasin bilong karim pen em i king tu, na em i win tu. Bai ol birua i bagarapim bodi bilong em olgeta, bai ol i katkatim em nogut, bai ol i kilim em idai. Tasol long dispela taim em i haitim pawa bilong em. Em i God. Wantu tru em inap pinisim ol dispela bikman i birua na soldia. Tasol em i no mekim. Nogat. Em i karim pen, long laik bilong em yet.

Mipela i bin tok olsem, Jisas i king long pasin bilong karim pen tu. Sapos yu lukim hat bilong king o kwina, bai yu lukim antap long en i gat sampela mak bilong diwai kros. Em i laik tok save long king olsem: "Yu mas karim hevi, yu mas karim pen bilong winim dispela hat king."

Long laip bilong yumi olgeta i gat dispela diwai kros long en. Long olgeta laip i gat sampela taim yumi mas karim pen. Mama i karim pen taim em i karim yu. Taim yu i dai, bai yu karim pen. Sore. . . Em i lo bilong dispela laip.

Long olgeta kain lotu i gat dispela pasin bilong ofaim pen na karim pen. Ol tumbuna bilong yumi long Papua Niugini inap tude i mekim olsem. Taim ol i laik painim long bus o long solwara, ol bikpela man i hait na i katim skin bilong ol na i larim blut i ran. Dispela em i wanpela ofa ol i givim long tumbuna.

Yumi save mekim wankain long God taim yumi ofaim pen long onaim em. Na bikpela ofa tru long ai bilong God, na long ai bilong olgeta Kristen, em i long dai long onaim nem bilong God. Jisas i bin mekim olsem tasol. Na olsem tasol em i bin baim bek yumi, na i bin opim gen dua i go long heven.

Stori na skul bilong dispela wik i stap long kalenda bilong yu. Yu go lukim nau. Gut Fraide (em de bilong karim pen) em i go pas. Na Ista Sande (de bilong win) i bihainim em. Sapos i no gat Fraide, bai no gat Sande tu. Sapos i no gat pen long dispela laip, bai i no gat heven bihain long em. Em tasol.



Oi Muruk Helpim Meri

Bipo tru wanpela man tupela meri bilong em i stap klostu long maunten Kiliwe. Tupela i stap i go i go tasol taim tupela i nogat pikinini yet man ya i dai, na meri tasol i stap. Lona dispela hap i no bin i gat ol narapela man meri i stap klostu.

Meri i stap wokim ol kain wok bilong ahus, gaden na lukautim ol pik. Em yet i stap mekim ol wok bilong man na meri wantaim. Olsem na gaden bilong em i no pilai long ol kain samting olsem kaukau, banana, kumu, suga, taro, yam na planti arapela samting em i save

planim.

Meri ya, em i stap i go i go na long wanpela taim long apinun em i redim ol samting bilong em long go wok gaden. Long moning tasol em i kirap na i go stret long gaden. Long gaden em i mekim ol wok i go i go na klostu liklik long belo, em i kam bek long haus long kukim kaikai. Tasol sori tumas, paia bilong em i dai pinis na em i no gat we bilong kukim kaikai bilong em nau, na tarangu i slip nating i stap. Em i go autsait nau na em i lukim smuk i kamap long wanpela maunten i no long we tumas.

long singaut yet long dispela masalai. Meri i singaut na masalai i karim draipela mekpas kanda i kam na putim long tupela lek bilong meri. Meri i pilim pen nogut tru tasol nogat helpim i stap klostu long em. Masalai i mekim olsem tasol long 3-pela nait na long namba 4 nait wanpela muruk i kam long meri ya na i askim em, olsem wanem na yu bagarap i stap olsem? Meri i tok, wanpela masalai man i wok long putim kanda long lek bilong mi na pulim mi i go i kam, na nau mi bagarap tru. Olsem na inap yu helpim mi? Muruk i tok, yes bai mi helpim yu tasol yu mas givim pe long mi na meri kirap i tok, yes bai mi givim pe long yu, sapos yu helpim mi. Orait muruk i ran i go insait long bus na i singautim olgeta muruk i kam na panisim gut tru haus bilong meri ya. Tupela i was i stap long dua na olgeta i go hait nambaut long as bilong ol diwai na banana.

Em i kirap na i ran i go long traim ksiim paia ya tasol taim em i go kamap long dispela maunten, em i lukim olsem smuk i wok long kamap long narapela maunten. Em i krap na i ran gen i go long traim kisim paia, tasol taim em i kamap long dispela narapela maunten em i lukim olsem dispela smuk i wok long kamap long narapela maunten i stap klostu tasol.

Tarangu meri ya i laik tru long kisim paia, olsem na em i no ting long wanem samting moa, em i ran gen i go long ples we smuk i wok long kamap long en. Em i ran i go olsem 3 mail samting na em i lukim wanpela masalai i wok long mekim paia long gaden bilong em stap, tasol meri i no pret long masalai. Em i kirap na i kisim wanpela drai diwai na i brukim bilong dispela masalai long lukim em. Masalai i lukim em na i askim, yu laikim wanem samting?

Meri ya i tok, plis, mi laik kisim hap paia bilong yu. Masalai i tokim em olsem, em i orait, yu ken kisim. Na mi gat sampela kaikai tu sapos yu laik kaikai. Meri i tok, man mi hangre tru. Olsem na masalai i givim em wanpela kain kumu mipela save kolim "Okai" long tokples. Mei i kaikai pinis na em i kisim paia na i go bek long ples bilong em.

Em i go kamap na wokim bikpela paia tru na kukim sampela kaikai bilong em tu. Em i kaikai pinis na i stap i go olsem 7 klok samting na masalai ya i sanap antap long maunten na singaut i spik, okai, okai. Na taim em wok long singaut, kumu okai i stap insait long bel bilong meri ya i wok long .mi stap, mi stap. Man, meri i kirap nogut tru na klostu em i laik ranawe, tasol em i no inap bikos kumu i wok

Long 7 klok stret masalai man i kam na singaut, singaut. Taim em i kamap long dua, tupela muruk i stap ya i givim stret long bel bilong em wantaim lek bilong tupela. Masalai man i laik ran i go long bus, nogat ol narapela muruk i stap ya i mekim sup tru long em. Taim em i dai pinis ol muruk i ran i kam na askim meri long givim pe long ol nau. Meri i tokim ol long givim olgeta pik bilong em long ol tasol ol i no laik, em i kirap na i tok long givim olgeta samting long gaden bilong em long ol tasol ol i no laik. Orait meri i tokim ol gen olsem, sapos ol i laik orait ol i ken maritim em tasol ol muruk i kirap na tok, bai mipela maritim yu olsem wanem, mipela i no man.

Olsem na meri i tingting i go i go na em i tokim ol olsem bai em i tanim olsem wel karuka na bai ol i ken kisim prut bilong em na kaikai. Na ol muruk i tok, em samting tru. Ol i stap tenkyu long em na em i tanim olsem wel karuka.

Ol muruk i save kaikaim prut bilong en, na mipela i save wokim rop long kisim ol muruk long en.

Prut i makim olsem het bilong meri na ol lip bilong em i makim purpur bilong meri. Sapos yu raun long Sauten Hailans bai yu lukim planti muruk.

Paulus Buka Waik, C.M. Pomberd, SHP.

HAUS BILONG HAUS BILAS


Em nau, dispela tasol em mak bilong Haus Bilas. Tromoi ai tasol na bai yu i no inap abrusim, em stap tasol long klos bilong pilai na bilas laplap bilong ol man. Dispela mak tasol, em bilong Haus Bilas. Olsem olgata klos i



gat dispela mak i stap long ol, Ol Bilong Haus Bilas

Tasol. Kam Mekim De Bilong Yu I Gutpela Tasol. Kam Long Haus Bilas. Haus Bilas I Gat Samting Bilong Olgeta Man-Meri.

EM MAK BILONG HAUS BILAS



HAUS BiLAS

Sports & Leisurewear for the people

HEB147

Tarzan

by EDGAR RICE BURROUGHS

Oke, Tar-san, yumi laik go bek long balun nau.

Tenkyu, Kepten.

Tasol yu mas lukaut gut... nogut ol mahar i painim narapela ston glas i gat pawar insart long en.....

Oke, Tar-san, mipela i mas lukaut gut long ol... Nogut ol i statim samting gen.....



O mahar i flai go nabas long mi hah Balusidar... Tasol dispela balun balun em i ritap dong painim nol na pinipinim ol.....

Ora Orait, esam samting bilong long kap kepten... bilong yu... Tasol nau nau mas mas bek bek long bus bilong... antap dong graun.




Oi Pipela laik tenkim yu, Tar-san.

Plis mipela laik wokim patia.

Oke, Tasol i no ken bik-pelantur-ma.



Vo Vor Morst, naa ego i gat pelai an Tar-san, misa esave nau... tai i bilong yu sapos yu es, Yes dispela mam em ples laik bek antap dong graun ogugut... Tasol nau mi pin gen. na, naa wawo jing dis-painim na pelai pelai samtingting... na, angingting laik klap stap olgeta.



Out Out bai, Tar-san.

Yu Yu kankam bek bek gen.



Bih Bih long gong pelai ba ba balusidar... flai flai i gantait gong bak klap sipasim wot balusidar graun mam hah Balusidar.

BBABBA



UAWANEMAHATHA BUKUMUMTVO.

YU KLO NARHARJOL. OTO PRESENNO NO LAHKAH KUMAVIUMOSIN.

O SERSWA NGANEM REDIRBA MA LUKLAK YOTVOT

TOK SAVE

Toksave i go long yu Aloysius Minsipi. Brata stret bilong mi. Yu bin lusim ples na go long Rabaul long yia 1974, na bihain long yia 1977 mi bin harim olsem, brata bilong yu i bin lusim Rabaul na go long Kundiawa. Na nau mi stap wari nogut tru, bilong wanem mi no save olsem brata bilong mi em i stap gut o nogat.

Na mi laik tokim yu, brata. Sapos yu stap long wanem hap na yu lukim dispela toksave. Plis mi laikim yu mas raitim pas i kam long dispela Adres na toksave long mi long wanem hap. Yu stap long en: Frank Exavier Kore, Laguai Village, P.O. Box 141. BUIN NSP.

Tok Toksave i go long smol brata bilong mi Lenny Warema. Yu mas redim sampela buai na daka na tingim kankam long bris long Lae. Mi bai kankamap long Trinde 19 Mas. Yu wet na mi bai kankamap long apinun tru. Mi T.S. Mambera, i stap long Aitape.

S Stretim klok

1	1				2	2	3	3	4	4	5	5
6	6		7	7			8	8				
9	9	10	10									
11	11				12	12			13	13		
14	14			15	15	16	16					
				17	17						18	18
17	17									20	20	

W. H. W. H. D. T. U. D. W. I. J. I. R. I. T. I. M.

an Namba: 68:
Stret: Hik Bakpela mboka, Basmas bilong kot kot. 01. Olsem i hokap ipinis. 02. Em tok tok no nosti stap. yao-Bo-Re-Mi-Fa-So-Ti-It-Da. 03. Olgeta soldia waimaim. 04. Kris Kristemem. 05. Olsem yea'arait. 06. 07. Olsem mita bilong taim. 08. Em samsamting elpimod mita bilong mekim olkairo wok. 09. Kap Sapos amand no gat gras gras most ap stap dong het bilong em em olsem hēv. 10. Stusa bilong asar. 11. Yu mungtingting dong hantias olsem yu. 12. 01. Ap stap dong pes.

Dau dau: Hak Faktor bilong mboka i stap dong Japapan. Mar Mar bilong buk turs tru. 03. Nen Nen bilong umuh. War War pelai haiden nemem bilong ma. 04. Em Erise em emeri i singihel ma hantingong asias. Hik Biktan bilong PNG. 05. Didi bilong Oposisen Gavnam long yia 1979. 06. PNG. 07. Tebbel bilong elmekin kaka is fais. 08. 09. Sot Sot we go hantingong Misin. 10. Sotaiti. 11. 12. Hap bilong pes.

Ens E bilong guntanba 67.

Stret: 01. Sna mat. Kik Kik ori. 02. faih. 03. Okt Okt. 04. Bru Bru kin. 05. Gas. 06. Ia. 07. Asu. 08. Isi.

Dau dau: 01. Okt Okt. 02. Lip. 03. Sket. Mo Mboka. 04. Fi. 05. Su. 06. Marai. 07. Ia. 08. Kro. 09. 10. Bisi. 11. Mis. 12. Mis.

Aba bai pait long 21 Mas

Komonwelt Junia Lait Weit Boksen Sempion, John Aba bai pait wantaim Sempion bilong Fiji, Wili Tarika long Mosbi long de 21 bilong mun Mas.

Dispela pait bai mekim namba 4 taim, Aba bai pait long traime holim taitel bilong em

Wili Tarika i traime Aba pinis long las yia insait long Fiji. Em i laik winim dispela taitel long Aba. Tasol em i lus.

Nau bai em i traime Aba gen long winim dispela taitel long em.

Trena bilong Aba, Norm Salter i tok Aba i tren hat i stap na em i fit tru.

Norm i tok em i ting dispela pait bai wankain liklik long wanem tupela i strongpela boksa tru.

Aba i winim Tarika long pins tasol, long las pait bilong tupela. Tarika i pait wantaim em i go inap 15 raun olgeta.

Dispela pait bai

go long 15 raun olgeta. Na wanwan raun em inap long 3 minit.

Long dispela progrem yet, Kusak Kamenak (Tigerman) Feda Weit sempion bilong PNG bai pait wantaim Steven Freeman bilong Australia. Tupela bai pait long 10 raun olgeta.

Aloysius Moses bai pait wantaim Dominic Kalua bilong Rabaul long traime lukim husat bai Lait Weit sempion.

Aba i no pait i kam inap nau. Las pait bilong em i wantaim Eusebio Pedroza bilong Panama we em i lus long namba 11 raun.

Ben Kasanda

Brothers Kisim Taim

Ragbi Lig sempion tim, Brothers, i lus pinis. Magani i givim stret long ol na Brothers i lus 32-17.

Ol Magani plaia i smat moa long pilai na ol spid tasol taim ol i karim bal. Na tu ol plaia bilong Brothers i luk olsem ol i no tren gut. Ol bikpela man i no givim 60. Ol i ran olsem lapun trak i laik bagarap. Wally Yegiora, Francis Matmilo na Timi Pirit bilong Brothers i pilai gut.

Ol arapela i ran long pes gia tasol.

Namba wan tim nau insait long Mosbi Ragbi em Kone Tigers. Ol i winim Paga 40-23. I luk olsem bai ol i kamap sempion long dispela pilai ol i kolim prisisen pilai.



Tom Bellem bilong Kone Tigers i luk olsem wanpela tiga taim em putim 60 na abrusim Tony Simetap bilong Paga. Kone win 40-23.

Baim Olpela Mani

WANPELA BIKPELA BISNIS BILONG BAIM KOIN MANI

Mipela i laik baim ol silva koin mani bilong Australia bilong bipo yet i kam inap long 1966. Na tu mipela i laik baim Niugini silings na ol 50 sens Australia mani no gat kona long en ol i wokim long yia 1966.

Mipela bai baim olsem:-

- K1 long ol florin (tu siling).
- 50 toea long ol siling (wan siling) Australian.
- K1 long Niugini siling.

Mipela bai stap long ol dispela ples hia stat long 10 klok moning i go inap long 6 klok apinun.


MAPRIK	Maprik L.G. Kaunsil Samba	Mas de 15	891221
DREIKIKIR	Dreikikir L.G. Kaunsil Samba	Mas de 17	
ANGORAM	Angoram L.G. Kaunsil Samba	Mas de 18	
AMBUNTI	Ambunti L. G. Kaunsil Samba	Mas de 20	
WEWAK	Wewak-But L.G. Kaunsil Samba	Mas de 22	862548
MADANG	Madang Taun Kaunsil Samba	Mas de 25 na 26	822744
LAE	Nail Komyuniti Senta	Mas de 28 na 29	423229
WAU	Wau L. G. Kaunsil Samba	Mas de 31	
BULOLO	Bulolo L.G. Kaunsil Samba	Mas de 31	
KAINANTU	Kainantu L.G. Kaunsil Samba	Epril de 2	
FINSCHAFEN	Finschafen L.G. Kaunsil Samba	Epril de 3	
KANDRIAN	Kandrian L.G. Kaunsil Samba	Epril de 7	
KIMBE	W.N.B. Provinsal Gavman Samba	Epril de 9	935001
RABAUL	Ascot Hotel Konferens Rum	Epril de 11	922111
KOKOPO	Distrik Opis, Kokopo	Epril de 12	
KAVIENG	Provinsal Gavman Esembli Hol	Epril de 14	942199
BUKA	Kubu Lodge	Epril de 16	
KIETA	Kieta L.G. Kaunsil Samba	Epril de 18	956175
PANGUA		Epril de 19	
BUIN	Buin Komyuniti Senta	Epril de 21	
ALOTAU	Provinsal Gavman Esembli Hol	Epril de 24	
POT MOSBI	Davara Hotel, Rum 9.	Epril de 26	212100

SOUTHERN CROSS COIN CENTRE

G.P.O. Box 1200, Brisbane 4001. AUSTRALIA.



Varavu Irage givim 60 na Brothers i kai-kaim tit bilong ol. Magani win 32-17.



Paga plaia John Harangu Kiakaim graun taim Willie Taufu Lema i spiame em. Paga no gat tok.

Hara Kap

Mosbi Soka i kirapim pinis wanpela pilai ol i kolim Hara Kap. I gat 48 tim olgeta i go insait long dispela pilai.

Painals long dispela pilai bai kamap long Ista, wanem lain i win bai kisim Hara Kap.

Nesenel Tim Lus

Tahiti i moa yet long pilai soka. PNG i no kamap yet long dispela mak.

Dispela toktok, kosa bilong PNG soka tim Mista Hans Hademacher i mekim long las wik. Em i mekim bihain tasol long taim PNG i lus long bikpela pilai i kamap long Noumea insait long long Niu Kaledonia.

Dispela pilai ol i kolim long Oceania Soka gems.

Australia i kamap Sempion bihain long taim ol autim stret Tahiti 4-2, long las pilai. Pilai i kamap long Sande, 2 mas. Niu Kaledonia i kisim namba tri ples long dispela pilai bihain tasol, long taim ol i winim Fiji 2-1.

Pastaim long dispela pilai, Niu Kaledonia i nilim stret PNG 8-0. Olsem na


Niu Kaledonia i pilai wantaim Fiji. Niu Kaledonia i winim ol na ol i kisim namba tri ples.

Sapos PNG i winim Niu Kaledonia ol inap pilai wantaim Fiji long lukim husait bai sanap namba tri ples. Tasol ol i lus 8-0.

Mista Radema i tok planti gutpela pilai i kisim bagarap na i no pilai. Mesulam Valuka i brukim lek bilong em, Max Foster, goli bilong PNG, i kam na i kisim bagarap na lusim pilai.

Olsem Australia i Sempion long soka insait long wansoltasol, long taim ol i wara bilong yumi.

Ol tim i kamap pilai long dispela gems em long PNG, Australia, Niu Hebrides na Niu Silan.



Tupela poto hia i soim Solo pilai wantaim Bunbun. Antap Bunbun brukim Solo. Nogat gol. Daunbilo Solo givim namba tu gol long Bunbun. Solo hamarim Bunbun 3-0.



Hara Kap

2nd Round

GROUP B		GROUP 1	
BOROKO 1 SAT.		BOROKO 2 SAT.	
VALOPA VS AMOANA	12.45	KE VS LIVERPOOL	
GURIA VS ALI UNITED	1.55	SOLO VS BLUE KUMUL	
ANG VS BABOKA	3.05	BUNBUN VS RABARABA	
GROUP 5		GROUP 2	
DEFENCE VS G'ENOUGH IS.	12.45	G.F.C II VS MOPI	
G.F.C. I VS TOGELU	1.55	KAPIT VS OTOLAM	
LUTH YTH I VS CAPEWOOD	3.05	KS VS LUTH YTH II	
GROUP 7		GROUP 4	
BOROKO SUN.		BOROKO SUN.	
MAEGIN II VS WALIYA	12.45	MANNAH VS JEVANA	
PWD VS FAZE	1.55	UNI VS KADAKA	
BAGENAVE VS HAUS BILAS	3.05	FRANKI VS PAPANE	
GROUP 8		GROUP 6	
DEFENCE SUN.		G.F.C. SUN.	
PARAMANA VS MAEGIN I	12.45	KUNTA VS SAN MIG.	
VR FL VS TOKANEN	1.55	SUNAM VS MANOLOS	
CAPE NELSON VS BATISHALEM	3.05	LORRANGAU VS ILLIMO	

AIR NIUGINI

THE NATIONAL AIRLINE OF PAPUA NEW GUINEA

HELPIK KANTRI GOHET



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.